

**12 СЕНТЯБРЯ: Святаго благовернаго великаго князя Даниила
Александровича, Московскаго чудотворца.**

Вечером 11 сентября

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония назиши, Господи, Господи, кто постоит; яко у Тебе очищение есть.

Глас 6. Дню страшному/ и неизреченному Христову пришествию/ ты, благоверный княже Данииле,/ всегда в животѣ своем готов был еси,/ чистотою и любовию, многотрудным терпением,/ и преставися во иночестве с миром к вечным обителем./ И предстоиши пред Богом во веки/ со Ангелы и со святыми, Богу угодившими,/ Егоже со дерзновением моли о душах наших.

Стѹх: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Был еси на земли добротою и чистотою яко свет,/ и по смерти явился еси нам,/ и излил еси на нас своими чудесы многое милосердие:/ тобою, благоверный и преподобный княже Данииле,/ прокаженнии очищаются, и недужи отгоняются,/ и от различных болезней исцеляются,/ но молися Христу Богу о чтущих святую память твою.

Стѹх: От стражи утренния до нощи, от стражи утренния, да уповает Израиль на Господа.

Кто не почудится/ или кто не похвалится,/ слыша в великую славу,/ во всех странах преславную,/ Богом спасаемаго града Москвы,/ величающаяся и висящая паче всех градов,/ имеющего в себе богатство неоскудеваемо,/ сокровище негиблемое – новаго

чудотворца,/ благочестиваго князя Даниїла,/ к нему же молящися,
верно вопиём:/ Христови молися/ спасти и просветити души наша.

Стіх: Яко у Господа мѣлостъ, и многое у Него избавленіе, и Той избавит
Израїля от всѣх беззаконій его.

Приидіте, христоноснии людіе,/ видим чудо, всякий разум
превосходящее,/ и, благочестно вопиюще,/ благовернаго князя
Даниїла восхвалим,/ честным его мощем поклоняющися/ и
молящися спасти и просветити души наша.

Стіх: Хвалите Господа всѣ язѣцы, похвалите Его всѣ людіе.

Яко солнце незаходящее,/ на земли лучи простре/ и озарил еси
верных сердца,/ совершающих верно память твою,/ всеблаженне
княже Даниїле,/ молися Христу Богу спасти души нашим.

Стіх: Яко утвердися мѣлостъ Его на нас, и истина Господня пребывает во век.

Благоухает честная рака святых мощей твоих,/ благоверный
преподобный княже Даниїле,/ всем верным исцеление душам же и
телесем дарующи,/ темже молим в мире соблюсти страну нашу и все
Православие,/ да вси тебе яко истиннаго заступника/ и
молитвенника к Богу имамы,/ просяще тобою прияти мир и велию
мѣлостъ.

Слѣва, глас 6: Хотяй Господь Бог наш Иисус Христос/ милосердие
Свое неизреченное показати всем человеком,/ благоверный княже
Даниїле,/ царствующему граду Москвѣ даде тебе,/ такова князя
свѣта/ и дивна дѣлы благими в животѣ твоѣм,/ по смерти же твоѣй
даде нам неизреченную радость обрести:/ от мощей бо твоих
пріемлют всегда/ болящии здравіе, печальнии утешение,/ глѣднии
насыщение и назѣи одеяние,/ грѣшнии спасение,/ сего ради молися
Христу Богу о душах наших.

И ныне, Богородичен: Кто Тебе не ублажит, Пресвятая Дево; кто ли не
воспоет Твоего Пречистаго Рождества; безлетно бо от Отца
возсиявый Сын Единородный, Тойже от Тебе, Чистыя, пройде,
неизреченно воплощся, естеством Бог Сый, и естеством быв
Человек нас ради; не во двою лицу разделяемый, но во двою
естеству неслитно познаваемый. Того моли, Чистая Всеблаженная,
помиловатися душам нашим.

Прокімен после «Свѣте тѣхий»: *См. Прокимен дня* <далее см. основной Чин>

Лития *глас 5:*

Посрамил еси діавола,/ благоверный княже Даниїле,/ богогѳдным своим житиѳм/ и богѳтство Небѳснаго Цѳрства в животѳ своем/ наполнив, неприкосновенно соблюл еси./ Ныне молиси Христу, Богу нашему,/ о спасѳнии душ наших.

О вселюдстии народи,/ возопиѳм любовь:/ о благоверный и преподѳбный княже Даниїле,/ непрестѳнно воздвѳгни руке к Богу/ и молиси за святѳтели, монахи и за вся Россѳйския люди,/ избѳвити град наш и вся страны Россѳйския/ от глада и потѳпа,/ и от нашествя иноплемѳнник, и от междоусѳбныя брани/ и даровѳти странѳ на враги победы и одолѳние,/ и Цѳрквам соединѳние мирно устрой,/ и моли о душах наших.

Благочестѳвый княже Даниїле,/ явился еси граду своему Москве и обители/ заступник крепок и столп непревратен,/ благочестя степѳнь непоколебѳмый,/ и православному на враги посѳбник,/ и всем родѳм Россѳйским забрѳло нерушѳмо./ Сей ѳбо дѳвный наш врач и спасѳтель/ Небѳснаго врачевства лечѳбы предлагѳет/ дѳйствиѳм Святаго Дѳха,/ Егѳже приѳмлет весь род и вѳзраст./ Но молиси Христу, Богу нашему,/ о чтѳщих святѳю пѳмѳть твою.

Слѳва, глас 8: Приидѳте, святѳтелие, и монаси,/ и вси людѳтии собѳри христиѳнѳтии,/ притеѳѳм к раце многочудѳсных мощѳй/ благовернаго князя Даниїла, Москѳвскаго чудотвѳрца,/ зря от негѳ всегда многим болящим скорѳе исцелѳние,/ печѳльным, и бѳдным, и сѳрым заступлѳние и утѳшѳние, и сѳце рѳем:/ о благоверный княже Даниїле,/ моли Христа Бога о душах наших.

И ныне, Богородичен: Безвестная Дево, яже Бога неизреченно зачѳнши плотию, Мати Бога Вышняго, Твоих рабов мольбы прими, Всенепорѳчная, всем подаѳщи очищѳние прегрѳшений, ныне наша молѳния приемлющи, моли спастися всем нам.

По полиелѣи седáлен *глас 8:*

Духóвно торжествóем, священнойоцы,/ в пáмяти великаго и чúднаго благовѣрнаго князя Даниíла,/ Áнгели на Небесѣх рáдостно ликúют,/ сегó рáди молíся Христú Бóгу о душáх нáших.

Слáва, и ныне, Богорóдичен: О Тебѣ рáдуется, Благодáтная, всякая твáрь,/ Áнгельский собóр и человекéский род,/ освящѣнный хрáме и раю словѣсный,/ дѣвственная похвалó,/ из неяже Бог воплотíся/ и Младѣнец бýсть, прѣжде век сый Бог наш;/ ложеснá бо Твоя престóл сотворí/ и чрѣво Твоѣ прострáнное Небѣс содѣла./ О Тебѣ рáдуется, Благодáтная, всякая твáрь, Слáва Тебѣ.

<далее см. основной Чин>

Изменяемое №6

Степѣнна, 1-й антифóн 4-го глáса.

Прокíмен: Честнá пред Гóсподем/ смѣрть преподóбных егó. *Стих:*
Что воздáм Гóсподеву о всех, яже воздадѣ ми?

<далее см. основной Чин>

Изменяемое №7

По 50-м псалмѣ стихíра *глас 6:*

Приидíte, вси лю́дие,/ хвалú принесѣм Блажѣнному князю Даниíлу,/ вопиúще сíце:/ рáдуйся, благочѣстия íстиннаго проповѣдниче/ и Цѣркви Христóве пресвѣтлая звездó,/ рáдуйся, пресвѣтлый стóлпе,/ просвещáя нас чудѣс свѣтлостыми,/ рáдуйся, цáрствующему гра́ду Москвѣ свѣтлый светíльниче,/ рáдуйся, рóсный óблаче,/ пла́мень погашáяй страстѣй/ и орошáяй вѣрных мýсли,/ благочестíвый княже Даниíле,/ íноческое удобрѣние,/ молíтвенниче о душáх нáших.

<далее см. основной Чин>

Изменяемое №8

Канóн преподóбному князю Даниíлу *глас 6.*

Песнь 1

Ирмóс: Яко по сýху, пешешѣствовав Изрáиль/ по бѣздне стопáми,/ гонíтеля фараóна/ вíдя потопляема,/Бóгу побѣдную пѣснь поíм, вопияше.

Яко скóро всем послу́шный, преподóбный княже Даниíле,/ призывáющим святóе íмя твоѣ в бедáх, и скóрбех, и в болѣзнях разлíчных,/ всем просящим подаéши скóрое здравие и рáдостное утешѣние,/ мíлостивно нас посещáй.

Взыде яко светолучное солнце на высоту небесную и осияюще вселенную,/ тако ты, благоверный княже Данииле, в богопорученном ти граде Москве,/ освяти и просвети весь град и обитель свою,/ и вся люди, живущия в них,/ и вся страны Российския земли своими чудесы.

Видимых и невидимых враг всякаго наведения избави нас,/ молимся тебе, благоверный княже Данииле,/ и от нестерпимых бед свободи.

Богородичен: О Всемилостивая Госпоже Богородице,/ к Рождшемуся из Тебе о нас молися,/ скорби наша на радость претвори.

Ин канон глас 1.

Песнь 1

Ирмос: Твоя победительная десница/ боголепно в крепости прославися:/ та бо, Безсмертне,/ яко всемогущая, противныя сотре,/ израильтяном путь глубины новосоделавшая.

Благочестиваго и венчоснаго князя Даниила по достоянию восхвалим,/ чудес подателя обильнаго,/ спасающего души наша.

Престолу убо предстои благодати и со всеми Ангелы радуяся,/ днесь миру раздаёт богатство, темже согласно зовём ему:/ спаси нас молитвами твоими, блаженне.

Песнями и пении восхвалим блаженного князя Даниила/ и, честныя его и многоцелёбныя мочи любезно облобызаяще, сие вопиём:/ радуйся, граду своему Москве многосветлый светильниче и твердый заступниче.

Богородичен: Ума моего, Всенепорочная, омрачение светом Твоим отжени/ и тмы избави мя вечнующия,/ яко да пою величия Твоя.

Песнь 3

Ирмос: Несть свят,/ якоже Ты, Господи Боже мой,/ вознесий рог верных Твоих, Блаже,/ и утвердивый нас на камени/ исповедания Твоего.

Благоверный княже Данииле,/ вси людие празднуют и множество иночествующих постник поклоняются тебе,/ видевше от Бога данная тебе преславная чудеса/ ко всем, просящим у тебе милости.

Мо́лим тя, благове́рный кня́же Дани́ле,/ и облобыза́ем честны́я мо́щи твоя́:/ к покая́нию упра́ви нас/ и не лиш́и нас душеспаси́тельного исполне́ния.

Терпя́, потерпе́л еси́ Го́спода, и услы́ша тя,/ и внят гла́су непреста́ннаго молéния твоего́,/ и воззва́ тя к ве́чному весе́лию, ра́йскаго сотвори́в насле́дника.

Богоро́дичен: Влады́чице Благая́,/ всех Творца́ во утробе́ Твоей заче́ншая и ро́ждшая ми́ру Спа́са и Го́спода,/ Егóже моли́, да изба́вит нас от вся́ких искуше́ний/ и в чи́стем жити́и соблюде́т нас.

Ин

Ирмо́с: Еди́не, ве́дый челове́ческаго существа́ немо́щь/ и ми́лостивно в не воображе́н,/ препо́уши мя с вы́соты си́лю,/ е́же вопи́ти Тебе́, Святы́й,/ одушевлéнный хра́ме неизрече́нныя сла́вы Твоея́, Человеколю́бче.

Свети́льник све́та яви́ся благочестивы́й кня́зь Дани́л,/ недуѓ глубóкую тьму́ разреша́яй всегда́/ и заре́ю све́тлою чудéс озаря́яй, премудры́й.

Дне́сь весе́лием ра́дуется Христо́ва Це́рковь/ в па́мять присноблаже́ннаго кня́зя Дани́ла/ и ве́рою взыва́ет:/ Ты ми, Христе́, держа́ва, прибе́жище и утвержде́ние.

Я́ко честны́й би́сер, твоя́ мо́щи, блаже́нне кня́же Дани́ле,/ всем ви́димы предлежа́т,/ разли́чная исцелéния неоску́дно подава́юще.

Богоро́дичен: А́нгельстии чи́нове и во́инства Небе́сных сил Твоего́ Сы́на ужа́саются./ Мо́лим Тя, Милосе́рдая,/ в стра́шный грóзный де́нь прише́ствия Егó помози́ нам, Влады́чице.

Ин конда́к, глас 6: Е́же по о́бразу соблю́д непрелóжно/ и я́же в ми́ре тле́нная оста́вив,/ со а́нгельскими ли́ки предсто́иши Христу́,/ преподо́бне кня́же Дани́ле,/ ника́коже забыва́я чад твои́х,/ но ми́лостивно посеща́я и глаго́ля им:/ аз е́смь с ва́ми и никто́же на вы.

Ин Ё́кос: Земна́я дарова́ния и вла́сть прие́м,/ поревновáл еси́ па́че о Небе́сных пещи́ся,/ сего́ ра́ди и Госпо́дь благослови́ тя, кня́же Дани́ле,/ и возме́здие трудо́м твои́м дарова́ обильно:/ ещé бо на земли́ яви́ тя заступника́ оби́димым и влады́ку че́стна в бра́тии твоей́./ И ны́не с ли́ки пресвяты́х Престо́лу предсто́я Небе́снаго

Царя,/ моли его подати нам грехов прощение, Святей Церкви утверждение,/ да во умирении жизни услышим Блаженный глас Христа Бога:/ Аз есмь с вами и никтоже на вы.

Седален, глас 8: Скорый в бедах утешителю, в болезнях исцелителю,/ во градах и во странах вся люди неисчетною милостию покрывая,/ благоверный княже Данииле,/ молися Христу Богу о чтущих святую память твою.

Слава, и ныне, Богородичен: Радуйся, Яже от Ангела миру радость приемши,/ радуйся, рождающая Творца твари,/ радуйся, сподобляющаяся быти Мати Христа Бога.

Песнь 4

Ирмос: Христос моя сила,/ Бог и Господь,/ честная Церковь/ боголепно поет, взываящи,/ от смысла чиста о Господе празднующи.

Укроти, благоверный княже Данииле, находы злотворных человек/ и из рук их исхити, гонящих и расхищающих немилостивно.

Смирив врагом вознесенную выю,/ велеречующим совет злый на нас по вся дни,/ на тя бо несть их упования,/ но уповают на свой язык велеречив и на язык человек./ Ты же, благоверный княже Данииле, от таких злотворных бед избави нас.

Вооружився на нас лукавно враг,/ мечтанием злым, якоже мечем, погубити хотя./ Но ты, милосердый благоверный княже Данииле,/ защити нас от тех злых и мирны их сотвори.

Богородичен: Кто изочтет силы Твоя, Чистая,/ но пощади нас, изми из глубины греховныя/ и настави на благое покаяние безвозвратно.

Ин

Ирмос: Гору Тя, благодатию Божиею приосененную,/ прозорливыма Аввакум усмотрив очима,/ из Тебе изыти Израилеву провозглашение Святому/ во спасение наше и обновление.

Зарю трисолнечная благодати сияет светлый твой праздник, блаженне княже Данииле,/ страстного омрачения бесовскаго избавляя/ творящих верою память твою.

Простре ум к единому Владыце, блаженне,/ и во иночестем образе поработав ему,/ и венец нетления от Него прием,/ сияя светлыми светлостями и богатыми дарованиями,/ идеже первородных жилище.

Источил еси реки чудес, благоверный княже Данииле, / напаяя верных сердца, / и мутные воды неверия изсушил еси.

Богородичен: Владычице миру, Богородице, помози нам, / прелюкавый бо враг поглощает нас зельне лютыми воспоминани и помышлении, / яже от Бога разлучают, / не остави убо нас, ниже презри.

Песнь 5

Ирмос: Божиим светом Твоим, Блаже, / утренюющих Ти души любовью озари, молюся, / Тя веди, Слове Божий, / истиннаго Бога, / от мрака греховнаго зывающа.

Ускорь, благоверный и преподобный княже Данииле, / отъяти нас от зла немилостивых человек, / пленящих и расхищающих безвозвратно, / и печаль нашу радовании раствори.

Покажи скорое заступление, благоверный княже Данииле, / просящим у тебе милости, / яко да узрят врази сопротив их борющую твою силу по нас и постыдятся.

Благоверный княже Данииле, / буди нам стена твердая, / буди нам заступник непрестанный, / буди нам яко отец чадолюбив, / буди нам прибежище и утверждение.

Богородичен: Богородице, благая Помощнице, / из Тебе бо нам возсия Свет праведный, / темже Тя, Царицу и Владычицу всех, мать Зиждителя, проповедаем.

Ин

Ирмос: Твой мир даждь нам, / Сыне Божий: / иного бо, разве Тебе, Бога не знаем, / Имя Твое именуем, / яко Бог живых и мертвых еси.

Явился еси, яко звезда светлая непрелестная, блаженне княже Данииле, / благоверным людем поборник, пленным свободитель и нищим защититель, / болящим врач и граду нашему и всей земли Российстей заступник.

Яко великое богатство щедрот, блаженне княже Данииле, / явися славному граду Москве безчисленное пролитие милости твоей, / ты бо просящим верою сущия цельбы подаваеши / и тех просвещаеши своим милосердием, блаженне.

Пресвѣтлый свѣтільник, сияя во всем міре, Блаженый княже Даниїле,/ и во мѣсте страстне озаряя всех,/ и в Россійстей земли чудотворец явился еси преславлен,/ яко имый благодать исцелений и просящим подавая цельбу, блаженне.

Богородичен: Светообразный Христов храм, Отроковице,/ молитвами Своими Отцу, и Сыну, и Святому Духу/ и нас храмы сотвори праведный, Пречистая.

Пѣснь 6

Ирмос: Житѣйское море,/воздвизаемое зря напастей бурю,/к тихому пристанищу Твоему притек, вопию Ти:/ возведи от тли живот мой,/ Многомилостиве.

Царствующий свой град Москву и страны Россійския земли/ благомилосердо пощади, и милостивно утверди,/ и мир, и любовь, и здравие обильно во всем и во всех домах сотвори,/ и всегда радостно нас посещай.

Един аз, грешный, ныне в лености предлежу,/ и ум мой во грехи глубокия впадѣ,/ но ты, благоверный княже Даниїле,/ настави мя на стезю правую и не остави мя, погибающаго.

Процвел еси, яко цвет райский, посреде Россійския земли,/ угодниче Божий, благоверный княже Даниїле,/ жив к Богу своими труды, постом, и молитвою,/ и нищелюбием, и иночеством, и ночным стоянием,/ а по смерти болящим различными недуги – здравие, печальным и бедным – заступление/ и радость всем подаеши безпрестанно.

Богородичен: На Небеси Архангели и Ангели, Херувими и Серафимы славят,/ на земли же вси людие раболепно поклоняются Рождеству Твоему,/ сего ради молим Тя, Владычице:/ спаси души наша.

Ин

Ирмос: Обиде нас последняя бездна,/ несть избавляяй,/ вменихомся яко овцы заколения,/ спаси люди Твой, Боже наш,/ Ты бо крепость немощствующих и исправление.

От пречестнаго корене израстѣ ветвь преславная,/ благочестивый княже Даниїле,/ благочестно на земли пожив, и приятелище чисто Святому Духу был еси,/ просвещая поющих память твою.

Сохрані град свой Москвú и вся страны Россійския земли,/ благочестівый княже Даниїле,/ от безбóжных иновёрных находа и от междоусóбных рати/ и всякаго страха и мýки изба́ви.

Сирота́м и вдови́цам заступник, и в беда́х необори́мый помо́щник,/ и всем, притека́ющим к тебе́, приста́нище необори́мое/ и нелёстное оти́шии сущим во гресéх.

Богорóдичен: Вели́чия Тебе́, Чистая, сотвори́ Госпо́дь Бог наш,/ Егóже моли́ присно возвели́чити и в нас богáтую егó мило́сть,/ Пренепоро́чная Влады́чице.

Конда́к, глас 8: Красотú ми́ра сегó, княже́ние и сла́ву я́ко вре́менная помышля́я,/ и сегó ра́ди благоче́стно в ми́ре пожи́л еси́, блаже́нне княже Даниїле,/ мило́стию, и моли́твами, и ино́чеством Бо́гу угоди́в,/ и по преставле́нии своём чудес дар при́йм от Христа́ Бо́га,/ и свети́льник яви́ся пресве́тлый, просвещáя свои́ми чудесы́,/ приходя́щим с ве́рою подае́ши ско́рое здра́вие и от бед избавля́еши./ Тёмже Христо́ва Це́рковь пёсньми сла́вит тя, благочестівый княже Даниїле,/ ца́рствующему́ твоёмú граду́ Москвё́ вели́кое утвержде́ние.

И́кос: Го́споди, Го́споди, отве́рзи ми устне́,/ уясни́ язы́к мой, и умили́ се́рдце моё́,/ и напо́лни ду́ха смиренномúдрия, да возглаго́лю и воспою́ Твоего́ уго́дника,/ но́ваго чудотво́рца, благове́рнаго князя́ Даниїла:/ ра́дуйся, благочестіваго ко́рене пречестна́я о́трасле;/ ра́дуйся, ма́тере благоговейны́ и вѣтве прекра́сна и пресла́вна;/ ра́дуйся, честный сосúде Свято́му Ду́ху;/ ра́дуйся, на Небеси́ со А́нгелы живёши;/ ра́дуйся, целомúдрия сто́лпе, имже бесóвская шата́ния искорени́шася;/ ра́дуйся, свети́льниче многосве́тлый, чудес сия́нии вселённу́ю просвещáеши;/ ра́дуйся, пра́ведным Божество́нное наслажде́ние;/ ра́дуйся, грешным спасе́ние и лентя́щимся к Бо́гу дерзнове́ние;/ ра́дуйся, я́ко ца́рствующий град свой Москвú и живу́щия в нем лю́ди спаса́еши от бед и злых скорбе́й;/ ра́дуйся, крестонóсным лю́дем на́шим похвало́ и утвержде́ние;/ ра́дуйся, пречестней обители́ своёй красотó;/

ра́дуйся, землі Росси́йския заступниче и забрало неруш́имое;/
ра́дуйся, граду́ своему́ Москвѣ вели́кий побóрниче и утвержде́ние.

Пѣснь 7

Ирмо́с: Росода́тельну́ ўбо пѣщъ/ соде́ла А́нгел/ преподо́бным о́троком,/ халдѣи
же опаля́ющее/ велѣние Бо́жие мучи́теля увещá вопи́ти:/ благословѣ́н еси́, Бо́же
оте́ц на́ших.

Мо́лим тя, благове́рный кня́же Дани́иле,/ ви́ждь на́шу нестерпи́мую
печа́ль, и болѣзни, и ско́рби, и стра́сти,/ но умилосѣ́рдися и от всех
бед свободи́ пою́щих:/ благословѣ́н Бог оте́ц на́ших.

Показа́ся граду́ Москвѣ́ я́ко свети́ло негаси́мое, благове́рный кня́же
Дани́иле,/ добродѣ́тельми твои́ми просвети́л еси́ всех нас,/ и
трудолю́бным жити́ем на землі́ поживѣ́,/ и сегó ра́ди всели́ся в
оби́тель Небе́снаго Ца́рствия, вопи́я:/ благословѣ́н Бог оте́ц на́ших.

Ра́дуйся, просвети́вый свои́ми чудесе́ы вóтчину свою́, град Москвú́,
и страны́ Росси́йския землі́,/ ра́дуйся, победи́вый диа́вола, и
посрами́вый жити́е ны́нешняго ве́ка,/ и обрети́ый неизрече́нную
благода́ть от Бо́га в безконѣ́чном о́ном ве́це,/ со А́нгелы и со
святы́ми вопи́я:/ благословѣ́н Бог оте́ц на́ших.

Богоро́дичен: Наде́ждо всем, Госпоже́ Богоро́дице,/ разгони́,
Влады́чице, враги́ ду́ши моея́ и напра́ви на стезю́ пра́ву./ Пощади́,
Помощи́нице и наде́ждо христиа́нская, Сы́ну Своему́ зову́щи:/
благословѣ́н Бог оте́ц на́ших.

Ин

Ирмо́с: Тебе́ умную́, Богоро́дице, пѣщъ/ рассмотре́ем, ве́рнии,/ я́коже бо о́троки
спасе́ три Превозноси́мый,/ мир обнови́, во чре́ве Твоём всеце́л,/ хва́льный отце́в
Бог и препросла́влен.

Во всех страна́х про́йде веща́ние,/ я́ко граду́ Москвѣ́ яви́ся
чудотво́рец пресла́вен,/ да́руяй мно́жество исцелѣ́ний всем,
приходя́щим к нему́/ и ве́рою пою́щим Го́сподеви:/ отце́в Бо́же,
благословѣ́н еси́.

Чудесе́ы ўбо твои́ми, я́ко цвет, процвѣ́л еси́, блаже́нне,/ исцелѣ́ния
подава́еши притека́ющим к тебе́, Богому́дре и досточу́дне кня́же
Дани́иле,/ и Бо́гови зову́щим:/ отце́в Бо́же, благословѣ́н еси́.

Се ны́не стекóшася от всех стран святители, священницы и иноцы, богáтии и убóзии,/ вси, раду́ющеся вкúпе, хвалу́ воздáти тебе́, Богоблаже́нне кня́же Дани́ле, зову́ще Го́сподеви:/ отце́в Бо́же, благословéн еси́.

Богорóдичен: Святéйшая святы́х всех сил,/ честнéйшая всея́ тва́ри, Богорóдице, Влады́чице ми́ра,/ спаси́ ны, Спа́са ро́ждшая, от прегрешéний тьморичных и бед,/ я́ко Блага́я, моли́твами Твои́ми.

Пéснь 8

Ирмо́с: Из пла́мене преподóбным рóсу источи́л еси́/ и пра́веднаго жéртву водо́ю попáлил еси́:/ вся бо твори́ши, Христé, то́кмо е́же хотéти./ Тя превозно́сим во вся вéки.

Ра́достный наш вели́кий свéтлый пра́здник днёсь возсия́/ в богоспаса́емем гра́де Москвё и обители:/ в дeнь пра́здника Пресвяты́я Богорóдицы обретóшася и прояви́шася чудéсная явлéния/ от многочисудéсных мощéй твои́х óтроку кня́жеску,/ о забвéнии честна́го телесé твоего́,/ егóже ра́ди превозно́сим Го́спода во вéки.

Дeнь Госпóдень всегда́ пред очима́ зря,/ и всегда́ во умé своём держá, кто в ны́нешнем жити́и не ўзрит смéрти,/ и богоугóдно и смиренномóдренно пожив, с ми́ром к Бо́гу оты́де,/ Егóже превозно́сим, Го́спода, во вéки.

В дeнь вше́ствия твоего́ на Небесá ко Го́споду Бо́гу, благовёрный кня́же Дани́ле,/ Арха́нгели и А́нгели, Херувими́и и Серафими́и/ и вси святи́и, от вéка Бо́гу угодившии, неизречéнною ра́достию тебе́ сретóша,/ и мы, грéшнии, прóсим у тебе́ мило́сти:/ изба́ви нас от всех скорбéй/ и не лиш́и нас душеспасéннаго исполнéния.

Богорóдичен: О Влады́чице, немóлчно Тебе́, ма́терь Бо́жию,/ пою́т велегла́сно Арха́нгели и А́нгели, и вси ро́ди челове́честии поклоня́ются,/ пода́й, Дeво, изба́вити Тобо́ю тлeнное существó./ Ра́дуйся, Обра́дованная, Госпóдь с Тобо́ю,/ Егóже превозно́сим, Го́спода, во вéки.

Ин

Ирмос: Егѡже ужасáются А́нгели и вся вѡинства,/ ꙗко Творца́ и Го́спода,/ по́йте, священницы, просла́вите, ѡтроцы,/ благословíte, лю́дие,/ и превозносите во вся вѣки.

Стру́и происходят от ра́ки тво́ей, блаженне кня́же Дани́ле, исцелéний всяких,/ и омы́вают сквѣрну страстéй, и гно́ений лю́тых очища́ют всех вѣрных серде́цá,/ лю́бовию чту́щих па́мь твою́, пресла́вне, и вопи́ющих:/ Го́спода по́йте и превозносите егѡ во вѣки.

Хвала́ми досто́йны ми воспоём пресла́внаго чудотворца́,/ ум и смысл да́руй ми, Христé Бѡже,/ ꙗко да пою́, ра́дуясь, па́мь егѡ, вопи́я:/ Го́спода по́йте и превозносите егѡ во вѣки.

Де́нь спасéнию, пра́здник весéлия настá,/ стецёмся, вѣрнии, очисти́вше вкúпе ду́ши и телеса́./ Се бо нас призывает кня́зь Дани́л Божéственный, вопи́я:/ Го́спода по́йте и превозносите егѡ во вѣки.

Богорѡдичен: Уврачу́й, Пречи́стая, стра́сти се́рдца моего́,/ рѡждшая всех Царя́,/ и пра́ведных ча́сти яви́ мя причáстника, Богорѡдице Де́во,/ Христá, Сы́на Своего́, умоли́, глаго́лющи:/ Го́спода по́йте и превозносите егѡ во вѣки.

Пѣснь Богорѡдицы: Вели́чит душа́ моя́ Го́спода: <см. основной Чин>

Пѣснь 9

Ирмос: Бѡга/ челове́ком невозмѡжно вѣдети,/ на Него́же не смéют чини а́нгельстии взира́ти;/ Тобо́ю бо, Всечу́стая, яви́ся челове́ком/ Сло́во воплощённо,/ Егѡже велича́юще,/ с Небѣсными во́и Тя ублажа́ем.

Сохранí от бед, благовѣрный и преподѡбный кня́же Дани́ле,/ принося́щаго ти сию́ ма́лую мольбу́,/ и от потѡпа страстéй, и всякаго навета́ злотворных челове́к.

Просвети́лся еси́, благовѣрный кня́же Дани́ле, ꙗко со́лнце, сво́ими чудесы́,/ подава́я всем исцелéния, благím и грѣшным, невозвратно.

Дерзну́х многогрѣшный аз и недостѡйный/ сие́ написáние написáти тебѣ, благовѣрный кня́же Дани́ле,/ прими́ с мило́стию и покрый́ мя неисто́щными сво́ими щедрѡтами.

Богорѡдичен: Безначáльнаго Родите́ля Собезначáльну Сы́ну Ма́ти всекрасная и избрáнная, Пречи́стая Отрокови́це Мари́е,/ пою́щих Тя возвесели́, и ма́лое сие́ молéние Сы́ну Своему́ и Бѡгу на́шему пропове́ждь,/ и от всяких бед свободи́, и не лишí мене́ зрѣния Сы́на

Твоего и Бога нашего,/ на Страшном же Суде стати одесную страну сподоби/ и не отверзи мене от Престола его Божия.

Ин

Ирмос: Образ чистаго рождества Твоего/ огнепальная купина показана неопальная;/ и ныне на нас напастей свирепеющую угасити молимся пещь,/ да Ты, Богородице,/ непрестанно величаем.

Явился велик щит и великая крепость земли Россійстей Блаженный князь Даниил,/ православным людем похваление во всех языцех,/ ныне молим тя сохранить страну Россійскую от варварскаго нахождения,/ и от пленения иноплемённых, и от междоусобных брани, и от всякаго зла.

Красен душею и телом и благочестием сияя,/ славне блаженне княже Данииле,/ Божественнаго исполнь разума и премудрости,/ орган Святаго Духа был еси,/ по смерти к бессмертной жизни и некончаемому Блаженству пришёл еси, радуясь.

Москóвстии народи, приидите, соберитесь вси в пречестную обитель/ ко многоцелёбней раце святых мощей преславнаго новаго чудотворца, благовернаго князя Даниила,/ со слезами велегласно воззовите:/ о угодниче Божий, преподобне княже Данииле,/ избави грады, обитель и люди своя,/ не дай же достояния твоего роду исмаильтескому/ и от междоусобных брани и от всякаго зла сохрани,/ да должно воспоём милость твою, святый.

Богородичен: Неизреченно таинство:/ Та бо престол Херувимский и светносный чертог показася Вседержителя Христа Бога,/ сего ради возопиём к Ней умиленным гласом:/ о Пресвятая Госпоже Богородице,/ от всяких бед и скорбей нас сохрани и вечныя избави муки,/ Юже благочестно, яко Богородицу, величаем.

<далее см. основной Чин>

Изменяемое №9

Светилен:

Посети ны свыше днесь, преподобне княже,/ и пребожественным светом озари сердца поющих тя,/ ибо твоё есмь присное стадо.

Слава: Вселися в сердце твоё, благоверный княже Данииле, корень благ/ и расплоди в тебе неоскудныя к Богу многоподвижныя труды и доброту ко всем человеком,/ моли о душах наших.

И ныне, Богородичен: Просла́вим ма́терь Бо́га на́шего:/ прэ́жде бо рождества́ пребы́сть Де́ва Ма́ти Сы́на Бо́жия/ и по рождестве́ па́ки Де́ва яви́ся./ Ра́дуйся, Обра́дованная, Госпо́дь с Тобо́ю.

<далее см. основной Чин>

Изменяемое №10

На стихóвне стихи́ры глас 1:

Я́ко вели́кое со́лнце яви́ся вселéнней,/ Блаже́нный кня́же Дани́иле,/ чудесы́ просвещáеши вéсь мир,/ вси у́бо, соше́дшеся, Христа́ воспойм,/ спаса́ющего нас от бед моли́твами твои́ми.

Стих: Честна́ пред Го́сподем/ сме́рть преподо́бных егó.

Свéтом сия́еши Божéственный благода́ти,/ благове́рный кня́же Дани́иле,/ пресвётлый твой пра́здник ра́достен всем,/ егóже, ра́дующеся,/ и́скренно вси восхва́лим.

Стих: Что возда́м Го́сподеви о всех,/ я́же воздаде́ ми?

Прииди́те, моско́встии наро́ди, в честну́ю оби́тель,/ вели́цыи и ма́лии,/ восхва́лим и́же в вас прэ́жде кня́жившаго,/ тёплаго предста́теля, но́ваго чудотво́рца,/ блаже́ннаго кня́зя Дани́ила.

Сла́ва: Ра́дуйся и весели́ся о Го́споде,/ ца́рствующий гра́де Москва́,/ и свéтло торжествуй и ликуй, Христа́ва Це́рковь,/ со священнои́ноки и и́ноки,/ иму́щи честное сокрови́ще – свята́я мо́щи/ пресла́внаго но́ваго чудотво́рца, блаже́ннаго кня́зя Дани́ила,/ чудеса́ бо то́чащия всем, приходя́щим с ве́рою./ Прииди́те, ве́рнии, тецы́те, собра́вшеся,/ и, ликую́ще, ра́дуйтесь и веселите́ся, си́це глаго́люще:/ ра́дуйся, пресла́вный но́вый чудотво́рче,/ блаже́нне кня́же Дани́иле,/ гра́ду на́шему и оби́тели утвержде́ние/ и нам, ве́рным, спасéние./ И ны́не, в па́мяти своéй, испроси́ у Христа́ Бо́га/ дарова́ти душа́м на́шим ве́лию ми́лость.

И ныне, Богородичен: Се исполни́ся Исаи́но прорече́ние: Дева́ бо роди́ла еси́ и по рождестве, я́ко прэ́жде рождества, пребы́ла еси́, Бог бо бе Ро́ждейся, темже и естества́ новопресече́. Но, о Богомати, моления́ Твоих рабов, в Твоем храме приносима́я Тебе, не презри, но я́ко Благоутробнаго Твоима рукама нося́щи, на Твоя рабы́ уми́лосердися и моли́ спастися душа́м на́шим.

<далее см. основной Чин>

По 1-м стихословии седальны глас 4:

Достігл есі Христа́, Бо́га на́шего, благове́рный кня́же Дани́ле, в жити́ сем сѹетнем,/ ѹ́зким, и прискорбным, и трудолю́бным путѣм Небе́сное Ца́рство стяжа́л есі́/ и во о́ном неизрече́нном и безконече́нном ве́ще наслажда́ешься,/ те́мже моли́ся Христу́ Бо́гу о душа́х на́ших.

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихословии седальны глас 5:

О, уже́ при двѣрех Дѣнь стра́шный и Суд Господень гро́зный,/ помози́ нам, благове́рный и преподо́бный кня́же Дани́ле,/ наста́ви нас на пу́ть пра́вый,/ и не лиш́и нас на Страншем Судѣ десна́го стоя́ния,/ и моли́ся о душа́х на́ших.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь глас 4:

Яви́ся, я́ко звезда́ пресве́тлая,/ благове́рный и преподо́бный кня́же Дани́ле,/ в богопору́ченном твоѣм гра́де Москвѣ в жи́зни вре́менной/ и просвети́ся воздержáнием, и всенóщным стоя́нием, и постóм,/ и моли́твою, и слезáми ко Всеми́лостивому Спа́су/ за град свой Москвú и за вся страны́ Росси́йския земли́./ И по преставлѣнии твоѣм честнѣя тво́я мо́щи/ источáют исцелѣния неоскúдно приходя́щим с ве́рою,/ те́мже вопи́ем ти:/ моли́ Христа́ Бо́га/ спасти́ся душа́м на́шим.

Ин Тропа́рь, глас 3:

Яви́лся есі́ в странѣ на́шей,/ я́ко звезда́ пресве́тлая,/ благове́рный кня́же Дани́ле,/ лучáми све́та твоего́ озаря́я град твой и обитель твою́,/ лю́дем правосла́вным побóрник есі́,/ плѣнным свободи́тель и ни́щим защи́титель./ Моли́ Христа́ Бо́га/ держа́ве Росси́стей дарова́ти мир/ и спасти́ ду́ши на́ша.

<далее см. основной Чин>

Изменяемое №14

На хвалитех стихи́ры:

Стíх: Сотвори́ти в них суд на́писан./ Сла́ва сия́ бу́дет всем преподо́бным Егб.

Стѹх: Хвалѹте Бѹга во святѹх Егѹ, / хвалѹте Егѹ во утверждѣнии сѹлы Егѹ.

Стѹх: Хвалѹте Егѹ на сѹлах Егѹ, / хвалѹте Егѹ по мнѹжеству велѹчества Егѹ.

Глас 6. Крѣпко во умѣ своѣм держá, / благовѣрный княже Даниѹле, / Бѹжие слѹво, в Евáнгелии глагѹющее: / кто хѹщет бѹти стáрей, да бѹдет всем слугá, – / и по семѹ словесѹ житиѣ совершил есѹ, / при животѣ своѣм неуклѹнно к Бѹгу трудѹ / и добродѣтели ко всем человекѹм имѣл есѹ, / тѣмже и по смѣрти во Цáрствии Небѣсном со Áнгелы ликѹеши, / молися Христѹ Бѹгу о душáх нáших.

Стѹх: Хвалѹте Егѹ во гласѣ трѹбнем, / хвалѹте Егѹ во псалтѹри и гѹслех.

Рáдуйся, благовѣрный княже Даниѹле, / я́ко сѹлнце, сияеши своѹми чудесѹи во всей Россѹи, / рáдуйся, я́ко цвет прекраснѹй, процвѣл есѹ / в цáрствующем граде Москвѣ своѹми щедрѹтами, / молися Христѹ Бѹгу о душáх нáших.

Стѹх: Хвалѹте Егѹ в тимпáне и ли́це, / хвалѹте Егѹ во стру́нах и оргáне.

Рáдуйся, Бѹгом избáнный благочестѹивѹй княже Даниѹле, / правослáвным христиáном похвалѹ, / и вѹином соблюде́ние, и вáрваром побежде́ние, / и в бедáх неборѹимѹй помѹщниче, / и граду Москвѣ утвержде́ние.

Стѹх: Хвалѹте Егѹ в кимвáлех доброгласных, хвалѹте Егѹ в кимвáлех восклицáния. / Всякое дыхáние да хвáлит Гѹспода.

Богáтство неизречѣнное обрѣл есѹ, / цáрствующий граде Москвá: / воистинну есѹ богáт, / таковѹй бо светѹльник в тебѣ возсия, / благовѣрный князь Даниѹл, / заступник твѣрдѹй явѹся граду своему / и мо́лится Христѹ Бѹгу о чтѹщих святѹю пáмять егѹ.

Слáва, глас 8: Приидѹте, Россѹйстии вси правослáвнии лю́дие, / богáтии и нѹщии, / в пречестнѹю обѹтель благовѣрнаго и преподѹбнаго князя Даниѹла, / той нас свободѹт от рук невѣрных язѹк и злотвѹрных человек, / и из рук ненавѹдящих нас молѹтвами егѹ свободѹмся.

И ны́не, Богорѹдичен: <см. основной Чин>

Изменяемое №15

Кондак глас 8:

Красотѹ мѹра сегѹ, княже́ние и слáву я́ко врѣменная помышляя, / и сегѹ рáди благочѣстно в мѹре пожѹл есѹ, блаже́нне княже Даниѹле, /

милостию, и молитвами, и иночеством Богу угодив,/ и по преставлении своем чудес дар прием от Христа Бога,/ и светильник явися пресветлый, просвещая своими чудесы,/ приходящим с верою подаеши скорое здравие и от бед избавляеши./ Темже Христова Церковь песнями славит тя, благочестивый княже Данииле,/ царствующему твоему граду Москве великое утверждение.

Ин кондак, глас 6:

Еже по образу соблюд непреложно,/ и яже в мире тленная оставив,/ со ангельскими лики предстоиши Христу,/ преподобне княже Данииле,/ никакоже забывая чад твоих,/ но милостивно посещая и глаголя им:/ аз есмь с вами и никтоже на вы.

<далее см. основной Чин>

На Литургии

Изменяемое №20

Прокимен, глас 7: Честна пред Господем/ смерть преподобных Его.

Стих: Что воздам Господеви о всех, яже воздаде ми?

Изменяемое №21

Аллилуйя, глас 6: Блажен муж, бояйся Господа, в заповедех Его восхощет зело. *Стих:* Сильно на земли будет семя его.